

iam viam parat virginitati. Et ut scias, quod propter hoc steriles prius fuerunt, ut credatur virginitatis partus, audi verba Gabrielis, quæ ad Virginem dixit: Postquam enim venit, & dixit. Concipies in utero, & paries filium, & vocabis nomen eius Iesum; obstupescitque est, & admirata, ac dixit: Quomodo erit mihi istud, quia virum non cognosco? Quid igitur Angelus? Spiritus Sanctus superuenit super te, & virtus Altissimi obumbrabit tibi. Ne quaeras, inquit, naturæ modum, & ordinem, quando super naturam sunt quæ fiunt: ne species conjugii dolores, quando maior, quam in nuptiis natiuitatis modus erit. Et quomodo fiet istud, inquit, quoniam virum non cognosco? Sane propter hoc erit, quoniam virum non cognosces. Nam si cognosceres virum, non fuisses habita digna, ut huic ministerio seruires. Itaque quamobrem dubitas, eam ob rem crede; non quia malum nuptia, sed quia melior virginitas. Iterum Nyssenus orat. in die Christi natiuitatis: O rem admirandam: Virgo mater efficitur, & permanet Virgo. Cernis novum naturæ ordinem? In aliis mulieribus quandiu aliqua est virgo, non est mater. Nam posteaquam est facta mater, virginitatem non habet. Hic autem utrumque nomen in idem concurret. Eadem enim & Mater, & virgo est. Nec virginitas partum ademit, nec partus virginitatem solvit. Decebat enim, ut qui in vitam humanam introibat, ut homines integros, incorruptosque servaret, ab incorrupta sibi deserviente integritate, initium duceret. Nam hominum consuetudo expertem connubii incorruptam appellat. Hoc mihi ante magnus ille Moses, per eam lucem, in qua sibi Deus apparuit, videtur cognovisse, qui cum rubus arderet, nec tamen consummaretur: Ascendam, inquit, & videbo visionem hanc magnam: non loci motum, ut arbitror, per ascensum declarans, sed temporis transitum. Quod enim tunc per flammam, & rubum significabatur, progrediente tempore, quod intercedebat, perspicue in mysterio Virginis apertum fuit. Quæmadmodum enim illic est rubus, & tangit ignem, & non comburitur: ita hic est Virgo, quæ lucem parit, & non corrumpitur. Damascenus lib. 4. cap. 15. de fide orthodoxa: Quæmadmodum ipse conceptus, eam, a qua conceptus fuerat, Virginem conservavit: sic etiam in lucem editur, virginitatem ipsius incolumem custodivit, ut qui duntaxat per eam transierit, clausamque ipsam tutatus sit. Ac conceptio quidem per aurem contigit: procreatio autem per eam partem, qua fetus in lucem exire consueverunt. Neque enim impossibile hoc ipsi erat, ut & per portam tran-

PAR. II.

siret, & illius tamen signacula minime labefactaret. Mansit ergo etiam a partu Virgo, illa semper Virgo, ut quæ ad extremum usque spiritum nunquam cum viro consuetudinem habuerit.

V. Probatum ex Patribus Latinis. Ambrosius loquens de porta mystica, quæ est apud Ezechielem cap. 44. hæc scribit epist. 7. ad Siricium Papam: Hæc porta est B. Maria, de qua scriptum est, quia Dominus pertransibit per eam, & erit clausa post partum; quia Virgo concepit, & genuit. Quid autem incredibile, si contra originis naturalis modum peperit Maria, & Virgo permanet, quando contra usum naturæ, mare vidit, & fugit &c. Ex libro de institutione Virginis cap. 7. Quæ est hæc porta, nisi Maria? Ideo clausa, quia Virgo. Porta igitur Maria, per quam Christus intravit in hunc mundum, quando virginali fatus est partu, & genitalia Virginis claustra non solvit. Mansit intemeratum septem pudoris, & inviolata integritatis duraverit signacula, cum exiret ex Virgine, cuius altitudinem mundus suscipere non posset. Et epist. 81. ad Siricium Papam: Sed de via perverfitatis produuntur dicere: Virgo concepit, sed non Virgo generavit. Quæ potuit ergo Virgo concipere; potuit Virgo generare: cum semper conceptus præcedat, partus sequatur. Sed si doctrinis non creditur Sacerdotum, credatur oraculis Christi, credatur motibus Angelorum dicentium: Quia non est impossibile Deo omne verbum. Credatur Symbolo Apostolorum, quod Ecclesia Romana intemeratum semper custodit, & servat. Audivit Maria vocem Angelum, & quæ ante dixerat: Quomodo fiet istud? non de fide generationis interrogans, respondit postea: Ecce Ancilla Domini, contingat mihi secundum Verbum tuum? Hæc est Virgo, quæ in utero concepit: Virgo, quæ peperit filium. Sic enim scriptum est: Ecce Virgo in Utero accipiet, & pariet filium. Non enim Concepturam tantummodo Virginem, sed & parturam Virginem dixit. Quæ autem est illa porta Sanctorum, illa exterior ad Orientem, quæ manet clausa, & nemo, inquit, pertransibit per eam, nisi solus Deus Israel? Nonne est hæc porta Maria, per quam in hunc mundum Redemptor intravit? Hæc porta iustitia, sicut ipse dixit: Sine nos implere omnem iustitiam. Hæc porta est B. Maria, de qua scriptum est: Quia Dominus pertransibit per eam, & erit clausa, post partum, quia Virgo concepit, & genuit. Quid autem incredibile, si contra usum originis naturalis, peperit Maria, & Virgo permanet, quando contra usum naturæ, mare vidit, & fugit, atque in fontem suum Jordanis fluentia re-

K

mea.